

朱太復乙集

朱太復乙集卷之十

五湖朱長春太復著

詩

五言律

辛丑

計四十六首

元日六首

好隱野夫性餘閒

天子恩椒花無獻頌柏葉有開尊祝歲隣家過占  
年舊俗存兒童奏函雅春事滿柴門

刻鳩將老杖羅雀靜田家山桂苗寒色谿梅試早  
花春庭歌玉樹仙覺餘胡麻轉喜丹爐熟能除白  
髮除二

一室蓬蒿裏孤村桑柘隣得看兒子長轉與野人  
親枕漱能娛隱農蠶且食貧壤歌引山酌好在百  
年春三

尚說添關使重聞怒諫官

君恩網定解民命釜長乾江都此猶僻秋田昨稍  
寬飄風震三日未保歲平安四

方外真遺世林中欲忘年  
老農貪任地鄉相好四  
天白粟分鄰乞青箱付子傳  
幸饒終歲暇日領對  
山川

五

柏醞祈年罷蘭舟過水遊  
春雲雙樹靜野日小山  
幽鶴引花間舞魚將冰上浮  
吾真老愚谷人浪比  
瀛洲

人曰與故人飲玄栖

人曰邀賓客魚山對酒卮  
菜絲分雪色梅蘂點春  
枝田里憐風物江湖引歲時  
白頭行樂是爛熳及

花期

春日

萬物有春意  
孤居無俗營  
看花憐夜雨  
啼鳥悅朝晴  
野客來三益  
田家論五行  
藩籬帶臯隴  
植杖閱農耕

觀梅即興命酒

共有觀梅興  
言開流水絃  
曲邊花落笛  
棹裏酒浮船  
久忘海翁意  
長唸漁父篇  
此中堪避世  
稽阮古稱賢

屏跡

屏跡即人外悠然無與期花開春次第鳥語日初  
遲雪粒凝丹竈松花溜玉匙百年閒好在汗漫復  
何之

社飲

閱此物華新偏宜樂隱人燕歸江外社花發雨中  
春溝涵通初水菑畬起比隣醉歌田祖下耕鑿是  
遺民

進舟雪溪憶山中吳九翁晉

朝色引山水鶯啼兩岫聞  
花開麗村日麥秀結畦  
雲竹澗雉媒隱石梁魚  
罟絲窮源舟未已采杜憶  
夫君

亭上

放目南亭上山花對客開  
草芳依野坐澗白滌春  
杯馬勒隨鶯住漁舟逐  
燕來陌頭空落日餘興漱  
徘徊

泛泛

芳草江南路清商引棹歌  
農樵隨地是花柳近村

多老態踈狂得春光爛漫過數杯遲白日泛泛去  
烟波

遊陌

五亭遊陌麗二月采芳初湖柳宮眉學山花繡頰  
如琵琶馱細馬紈扇襲香裾競欲邀歡許前谿歌  
舞徐

春至西湖道遊

盡釋人間累彌多山水情道身合瀟灑遊興及清  
明融日暉花柳晴沙戲燕鶯六橋遲士女歌管暮  
朱太復乙集詩卷之十



盈盈

西湖寒食

湖上過寒食湖頭見晚花錦塘嬉水好蘭澤採芳  
賒烟靜山逾翠風輕柳稍斜紅粧倚綠酒相逐樂  
年華

六橋雨酌

載酒六橋下桃花覆小船素沙行理釣白石坐調  
絃品物春芳好山川雨廓然不能隨客散秉燭更  
移筵

西湖逢太常博士嚴範先問道有贈

軒冕忘機客，烟霞愛老夫。  
虛舟然水觀，夜月論陰符。  
獨愧青牛候，何妨金馬趨。  
神仙曾大隱，方內有蓬壺。

贈國禪頂山人

曾散萬金業，恥干五乘車。  
生平耽筆札，家世畜名書。  
到戶能題鳳，臨池咲墨猪。  
黃庭如可榻，吾意在崇虛。

春遊玉泉寺

朱太復乙集詩卷之十

五

巖壑幽成古園亭勝自今遠山迎閣翠飛澗落池  
深水湛靈砂玉鱗浮佛日金悠然石梁醉誰識樂  
魚心

西湖春暮戲遣行問仙侍

樓窳鳳仍遠閨香燕已來竹枝行處憶桃葉曲中  
哀春色悞教過芳顏耐好摧胡麻晨為煮應憶阮  
郎回

秀上人遺龍井初茗遣報

南井清明雨分將茗若苔龍團柔未碾雀舌細稍

開為聽長松瀨如參甘露杯杖泉清好煮不帶一  
壺來

遷聞季女出痘蒙被北還行別大石

醉別康皇石暖予何遽還猶牽小兒女未放老湖  
山釣磯生將什鹿門興好攀將棋雙狂婦采藥去  
人間

送朱備之建寧太守還郡

循良漢吏賢受賞出甘泉鯨客夜紛織樞章春種  
田寧惟迎海市祖席返江蓮行囊獨留滯三公問

穎川

贈費四爾承選家蹟三白

君家甘露酒白勝惠山泉  
碑銘能憐我登尊不問  
錢三杯能中聖千日竟遊仙  
妙想前人法烏程更  
若川

金谿明府減用南朝回裏集玄栖訪道言  
別二首

有客龍泉佩尋予釣磻宮  
雙鳬來日下獨鶴候山  
中藥問東方朔藥傳南土  
風神仙看葉今道術愧

壺公一

花積經牀白霞流丹鼎紅松醪調監子畦菜得勝  
翁江驛催明發湖筵卜夜同旌陽故宮近遜爾謁  
青童二

石門山叟減原勤遺碩渚茶香雪酒酒味  
絕美醉為詩謝

碩渚茶經品不如雪酒香光同碧椀淨味更玉杯  
長漢苑葡萄釀仙家石乳方傳來竹林裏青眼待  
君嘗

贈孝廉嚴與卿

高視欲遺世少年意出群  
黃庭參內景石室訪真  
文柱下原非隱商山亦事君  
應知漢天子詞賦問  
陵雲

再贈周慶叔

慶叔過玄樞以遊仙詩見授  
不遇慶叔乃予與先生外孫

也先生無後而慶叔傳其學新  
詩翩翩幸有家法感為致此

大雅推方伯遺風有外孫  
帳書存舊業宅相繼清  
門招隱山中駕遊仙物外言  
百年佳句法遶向酒  
邊論

自城西放舟出南湖乘涼夜還隱谿  
北日下長蘆南風生大谿浮杯鷄塞口岿幘釣灣  
西兩漿玉湖緩三更銀漢低渡頭漁火熱去去不  
愁迷

峴山寺前納涼

寺門交遠蔭湖嶼有餘涼山迥日先下菰深風細  
香樂魚聊枕石采杜欲辜棠小艇僮來夕城南送  
酒漿

茅孝若冒熱過玄栖老婦還城莫為中饋



齊厨故寒也。坼幘露坐，廣談當世。主人何  
用澤客喉吻乎？拱手登船，別成一咲。旦以  
詩代書謝於其門。

大暑南谿夕舟來，問釣綸入林，迎有鶴倒度，饋無  
人。白恰論時遠，胡牀坐月新。紫霞流可飲，難為漉  
頭巾。

中元湖月

月輪秋月半湖艇，夕湖間禾黍交長。薄薰葭際遠  
山歌香蓮女去，火細釣人還歲歲。禪燈施還經學。

士灣

園中夏坐即興

夏木秀時雨豁陰蔭小  
扉麥涼農扈乳蠶老社桑  
肥魚上遊蓮葉舟來泊釣磯  
無心想濠濮閑坐且忘機

秋入西湖

秋空既寥豁秋水亦澄鮮  
柳葉低行馬荷花蔭采船  
山雲懸市雨江氣帶人烟  
清賞從搖落無為遊子憐

閣夜

日入衆喧息晏居獨寤閑暮蟬依木末初月挂松  
間野杵空秋水踈更過遠山白堤中夜火歌唱有  
人還

四更

明月卧人榻寒蟲悽客廬烟嵐依嶺晦星漢落江  
虛白露催秋織空湖喧夜漁攬衣方不寐吟嘯下  
中除

湖閣曉望

落落明星沃空湖  
縹白沙海雲連似島  
江霧散成霞  
露葉呈秋色  
風林引日華  
郭頭煙火處  
遙見出晨鴉

晨行南山道達江遙憶

晨涉孤舟繫幽探  
兩屐賒江風退殘暑  
谷日曠平沙翠磧  
交松蔭芳塗引桂華  
前津潮未渡寄憶折  
疏麻

六橋采芙蓉

臨川忽有致蘭槳  
雨餘開湖日暉秋色  
江風曠晚

埃酒香遊舫並歌細妓人來薄暮南塘曲芙蓉罷  
采田

送朱憲昌卜居廣陵

落落五噫客江湖引興豪言携鹿門侶來聽廣陵  
濤隱托招淮樹居能賦楚騷年來看花者莫遣悞  
谿桃

歸來

江上三秋客歸來數畝園隣人為掃徑稚子出應  
門場圃歲功晏村墟寒日溫相過歡父老清話賒

南軒

寫懷便與湖南施四藩佐

澹泊山林性清羸土木身藥囊非為病苴布不緣  
貧爨冷鳥窺厭門閒犬卧馴南鄰罷官者時過喜  
吾真

門生尤仲發載酒同道釋行忘詞客張孝  
父谿上晚集同賦

茂才高足士散木養形人載酒新知集焚魚夜饋  
貧林公演秋水楚客和陽春獨發清天籟寥寥振

遠津

壬寅

計九首

穀日

始雨開山色紫門立向晨八風占歲日百草動谿  
春婦釀聊供客不用耕好食貪飄飄辟穀者不是治  
生人

棲賢山朱大質父携筍枝蕙華來看便留  
飲宿

頗憶山家物堆砌者可樂飢筍枝色雪嫩蕙節涼香

微者入雨中暮客來病後稀今朝醉相狎鷄犬亦  
忘機

門巷

灌木低門巷婆娑引興多無營知永日獨坐悅流  
澗隣里通生事農桑應野歌今年絲價好稍得

種

時雨

湖南時雨至夏木遶廬低鄰女采桑罷田家布穀  
啼添暑候新水雜草息秋畦早晚催農正營生報

朱太復乙集

詩卷之十

十二

明三百九



老妻

午日

森森菰城閣蕭蕭梅雨香  
吳天蒸易暑海國溽餘涼  
種竹久無徑栽榴欲上墻  
兒童縛艾虎細酌過端陽

送無名羽師歸南昌

壺中美酒盡醉拂羽衣飛  
五嶽圖窺遍三山藥採  
稀江沙龍出候華表鶴來  
歸城郭蒼茫在何人識  
今歲

處士王國華隱於醫年六十矣雅善其人  
長者小吟贈之

種杏南城曲脩然遠俗情  
老存酒態逸貧施藥慶  
輕終薄華陽隱猶逃漢市名  
仙人上池水口飲清  
長生

秋泛有興

涼日諸峰白平湖一鑑空  
歲華延黍稷秋色落梧桐  
放誕非人世嬉遊已老翁  
扁舟五湖者今日有  
朱公

七月十五碧湖水燈立成

片片水燈白翻飛玉鏡中與波浮澹澹映月散融融  
融乍沒浦雲靜還添漁火紅遙疑落星渚天漢若  
為通

癸卯計廿四首

立春

春氣發林鳥朝光上草堂梅花延白雪菜葉候青  
陽隣里邀開酌兒童舞侑觴狂歌笑方朔垂白傲  
為郎

得光祿錢惟凝書

老去違當路書來慰索居  
朝廷勞記憶江海只  
疎迂  
好月臨極仙家花遠廬  
浮生付齊物相樂  
在溪魚

客來

流水宿籬落春雪滌山川  
不謂幽栖地還來乘興  
船  
尊開新有酒琴奏故無絃  
豁達披青眼因君憶  
古賢

正月五日咏春雪四首

春雪不到地春雲常滿山空湖縹緲際平楚有無  
間玉醴酌還凍冰絃調故慳被衣立溪竹目送暮  
漁還一

春雪半隨雨溟濛終日迷旋飄林竹散時宿戶茅  
伍魚怯浮冰岬牛欣潤早犁十年農候熟高卧五  
湖西二

春雪偏欺夜緣谿裊裊過無聲隨地隱有意入簷  
多沙合天無色川含月有波冥冥看碧浪眇眇入  
銀河三

春雪不待日風融旋自消  
暫露宿麥槁未落平海  
條釣叟舟隨出農鳩啼更饒  
最成誰為和細酌永  
今朝四

人日飲人

華門倒屣遠釣磻繫舟頻貫得酒家酒相留人日  
人晚禽歸樹宿新水引溪春醉傲清川上滔滔笑  
問津

夜雪旦望

半夜雪盈尺柴門擁不知溪山遙  
瀟瀟林竹翳垂

朱太復乙集

詩卷之十

十五

垂鵲下噪猶急梅開釀故遲漁灣百家火一日斷  
晨炊

穀日雨雪連四日始晴

杯有山酬勸門無客送迎朝陽散鳥雀宿雪淨柴  
荆魚網茗溪漲農犁穀日晴湖南米價踊好得護  
春耕

日上

春生連雨霽日上小溪溶碧動籬間草青來湖外  
峰鳥啼初宛轉魚出稍從容簪杖從吾適東臯看

老農

懷侍御馬函一

同遂忽將十年好道學仙書期采藥見訪竟不過江

入黃面反傷離念道張咏所懷

四海一知己十年相憶勞遠遊應采藥撫壯莫吟  
騷火候新看鼎霜飛舊贈刀雙魚空有待不渡廣  
陵濤

有遊

經歲一無事開春頗有遊鶯花隨送酒山水引采  
舟物色生相樂行歲老自由白鷗飄浩蕩天地共



沈浮

偷生

晚業開初地前谿帶下菰吹樓辭妾侍丹竈引生  
徒斷穀三芝草歲形五嶽圖偷生容聖代執落在  
江湖

忘年

出世即三徑開門仍一川有書兒善讀不覺僕常  
眠脩藥時占日為農屢用天由來不材者散湯可  
忘年

雨後赴南鄰有意

藩籬深而後桑柘古村斜酒熟開農社魚鮮得釣  
槎潦流繁荇葉陰靄護桃花別有愚公意知隣隱  
者家

半夜聞碧湖笛起興

半夜玉湖笛風吹到玉牀秋砧過鄰巷古鶴鳴中  
堂蟲響避寒月鴈聲知始霜山中歲事謝誰復問  
縫裳

湖上山秋望

遠望極無際  
西風曾白波  
高秋五渚上  
落木萬山多  
歲熟來鴻鴈  
天晴鳴鵲鵝  
坐看西塞暝  
牧笛下村歌

路溪秋訪州倅施四園居

溪路未迷客  
林廬好再遊  
筵開門對渚  
釣拂樹藏舟  
濁酒遲今夕  
名瓜出故侯  
往來頻不厭  
家隔漾西頭

秋遊

兩溪兼雙槳  
飄飄何所之  
江湖容老物  
涉泛及秋

時菱芡供晨饌  
簾葭引夕吹  
虛遊天地曠  
獨往欲誰期

初至西湖泛蘇公堤秋思

菡萏被中流  
楓林衆壑秋  
湖涵城澹澹  
江合嶺浮浮  
畫舫餘嬌曲  
漸裳有勝遊  
年年看不厭  
宮草六橋頭

秋夕入法相寺留秀上人

山寺夕陽度  
盤迴行磴賒  
徑芳秋草樹  
巖宿古雲霞  
泉白浮蓮子  
茶清瀹桂花  
頻來舊有社  
投杖若

為家

夜泊菱湖納涼獨酌

數酌傍烟扉長歌卧釣磯  
廣川風散髮高木露懸衣  
市聚千秋水桑麻反夕暉  
黃昏櫂船女對唱采菱歸

秀上人來

獨卧溪村應僧來雨霰中  
齋分雲劑白火擁月爐紅  
老病禪多悅行藏性總空  
十年論夢寐紗帽倚松風

寒夜思八下茅留長安

永夜坐過半寒熱慄獨聽天風閼閼闔霜月靜湖  
亭有弟客頭白何人傷眼青還留一經笥不換五  
侯鯖

初聞鴈憶舍弟朋客燕

九月到鴻鴈何時度朔來中原有兄弟不見寄音  
面短札傍人盡教喪空自哀丈夫留壯氣歸卧讀  
書堂

大雪登釣魚山

對雪發詩興  
寒雲登釣山  
冥蒙二儀氣  
錯落諸峰  
顏籟息空人  
境烟深迷  
郡關村阜  
起鶴唳薄暮呼  
予還

乙集卷之二

朱太僕乙集卷之十一

五湖朱長泰太僕詩

詩

五言律詩

甲辰計二十八首

元日

物外蓬門古山中  
芙蓉新杯觴脩世俗  
冠屨狎鄉人  
梅蕊猶封臘  
椒花已獻春  
擁爐兒點筆  
佳句得頻頻



上春湖上復與故人飲

雪釋衆山秀悠然空一川  
早禽啼遠舍新水到行  
船萬象欣迎日孤尊樂駐年  
白頭三兩客相過論  
神僊

南湖朝雨忽爾有興

南湖朝罷雨水色上庭除  
白日梅花落春風楊柳  
舒禽言過狎客漁鼓集  
鄰居獨抱牀頭甕開舟信  
所如

東園薄暮引酒對花超然有託

玄樞在  
湖東一曰

東園

酒綠對花紅長歌芳樹中暮光空水盡春色遠山  
同抱甕非人俗餐芝漸老翁五湖一丘在未必漢  
園公

木蘭花

爛若朝霞粧翹臨初日光華披霞作臉萼借翠為  
裳幽態宜中谷芳心故向陽盈盈如有怨彼美在  
西方

放舟行春便與游者嬉遲竟日

春日已多麗况茲花滿山水  
公舟與與谷應鳥關  
開翠袖陵朱瑟紅顏傲白綸  
相遲冶遊許薄暮下  
蘇灣

同遷樂水部于拙訪隱谿  
近沈太史仲雨  
追至談讌入夜

招隱空山集扁舟二妙來滄浪  
連漢澤巘谷入蓬萊  
東觀榮周史南江傲楚才  
無論出與處齊物論  
悠哉

登朱君采侍御蓮花莊選閣

登八面山橫塘  
三孫蓮渚舊遷客柏臺  
閒野航烟波興秋花  
賦歲病坐來想天際都已忘  
人間

初遊園證寺

新識雙林路深松引暮鐘  
竹寒春寂寂花雨礪溶溶  
溶空谷真如境虛遊汗漫  
投今騎白鹿來往候  
青龍寺外青龍洞

日醉

煙靄白雲壑晴光芳華  
歌嬌遲客燕舞緩迎

舟老罷江湖想春耽山澤遊攀花浮美酒日醉卧  
船頭

遊下菰城春望

野集故人酒室山公子城平臺寒兔跡落日古松  
聲草滿吳谿碣江空楚客纓洞庭春色晚菰菜欲  
牽情

起居 又名江湖行

生投谿壑靜老得起居安灌木誅茅息春山倚杖  
看五園休汗漫一室且盤桓不見長干曲江湖行

路難

三徑草

地僻身無事江春老不妨一川花落盡三徑草生  
長脩竹邀山色攤書映日光相知過故燕對坐語  
雕梁

陶然

宅外雲山滿谿邊花草新春憐居勝地老喜逐遊  
人野屐行偏健市醕囊未貧陶然對歌舞翫世一  
遺民

辟穀五年息黷又經歲戲成

寂寂閒房裏經年烟火無兒童休事汲鳥雀不窺  
厨天酒三更灑山肴九節蒲無勞白石爛行可赤  
松俱

南陌樂

畫船珠勒馬南陌競游人歌舞無虛日江山有待  
春采芳千里渡折柳五亭津不惜黃金盡相徵樂  
事新

南陂路

花夾南隄路春遊日日深游絲晴眉蝶芳樹盡  
禽綠水遺仙佩青山遲子衿誰知吟澤者別有折  
衣心

臧晉叔博士久客白下歸集谿上有贈

吾友江東雋家貧每遠征才終淹宦達老得擅詩  
名舊社烏程酒歸航白下城帳書并匣劍夜射斗  
牛明

四方車

靜者物情外悠然人用疎老來貪市釀客至問求



卷之十一  
漁刺迹辭交牘述名罷著書何當一豁碣長辱四  
方車

久雨喜晴曉起有述

枕席晨光內江收宿雨清霞明鳥景曙山豁鳥聲  
晴掃徑茅茨啓被衣鹽櫛輕行行視餘稼聊復治  
吾生

題中書舍人丁長孺華瀨居

一官不如意園居誅白茅築軒五峰翠釣石太湖  
濤日下黃麻遠山中紫桂高舍人閒卧熟飲酒讀

離騷

過臧用南水口居故讀書處

徘徊古遊地異物亦相知容髯成衰老谿山是往  
時風雲結綬遠夜月論文遲箕坐揮觴白平生慷  
在斯

訪王武昌弓若廬居

弓若今武昌二月憂  
歸一椽僑居四壁徒

立有自壯也為賦  
同志且慰且勸

墨綬江干今白華湖畔居未餘五斗祿空貯一牀  
書士氣貧方見交情老不虛君看箬溪水應勝武

昌魚

三宿故鄣蓮花塔遙寄熊明府

塔是明府新築在五

峰山尾

信宿五峰下三吳秀更無松聲吹郭湍塔影落舟  
孤臺館新遊跡山川古畫圖如聞素琴罷明月集  
雙鳬

季秋入席林幕對西湖有感

勝賞故依依娛人每忘歸暮光浮海晏秋色倍川  
暉世外閒多興林中老息機一點堪有托十載謝

無衣

紀夢詩得

九月十三泊武林松木塲夢中

高卧山中客依然又出山絲綸綰天上簪組寄人間  
漁業當名世浮游更度關百年存道妙方與九  
真還

行船吳苑

茂苑湖沙際中流葦草香海潮連市白江日落城  
黃秋水采多興扁舟意不忘十年被髮老漫浪得  
行藏

秋宿閹閹城

把燭命孤酌，醉為湖海吟。  
吳宮懷古日，楚客遠遊心。  
落宿滄江迥，鳴砧白露沈。  
蓮舟歌徹夜，游女憶知音。

乙巳

計七首是年入關養傷亡逸更多存無十三

夜雪朝望

危坐寒侵榻，村鷄咽捻遲。  
半明見宿雪，一夜滿江籬。  
天宇冥冥淨，春條葉葉滋。  
關門領清興，對鶴理朱絲。

又雪 二月二花生日

汨汨如相待彌彌更以賒雲行風散蕪草帶雨滋  
芽薄欲迷青嶂紛還點暮鴉花生今日好春發滿  
瓊華

動止

動止乍成趣山園日更長宿雲披麥秀新水浥花  
香抱膝吟時壯被衣舞故狂東畦飯牛者相見說  
春忙

草徧

朱太復乙集

詩卷之十

八

陌上芳草徧柴門倚水開江豚迎雨入  
海燕看花來舊物憐飄杙春情動酒杯  
釣磯小艇在早晚泛湖回

暮春起行溪上有望西園

起行芳日晏倚杖玉湖西  
麥秀雲被隴桃花水上  
溪香車春爛漫斗酒故提攜  
宛宛水中在爲歌拂柳低

贈明府陳端瀛考滿恩封

翩翩茂宰績課完出恩綸  
渠崇三年異花開西

地春東華徵有待南國政方新請誦循良傳懸魚  
見古人

夢坐太白樓說金丹有紀

酒樓城上月曾醉謫仙人逸韻丹青古高名白雪  
春乾坤誰可友天子不能臣夢裏論丹訣飄飄悞  
采真

丙午

計十七首

元日五首

通用八旗

融風吹斗轉萬物動初明兩起紫荊色春開閭里



蘇屠蘇重飲歲徂褐久偷生散木空山裏欣看日  
向榮

鹽沐坐清旦迎陽候曉晴川魚知凍釋籬草識春  
生雲物三江晏壺觴萬國情年年見歌舞獻壽說  
秋成

芝朮休餐物蓬茅出世情恬遊遲晚景樂興起春  
明有業須傳子無營不問耕村醪歲時在頗足樂  
吾生

浮山一谿曲久住習長生少客貧何礙遺家老更

清夜分龍候火奏三鶴詞林舊婦辛盤出相酬賀  
歲更

野客樂餘生春王賀始正五雲太史獻萬壽列仙  
迎殿檻留狂直烟霞倚

聖明屢豐占歲德長此頌昇平

春雨過谿上獨酌有所思

村木初膏雨谿流薄入雲山將春有色鳥入曙多  
聞萬物欣相得孤尊氣不群瑤華江上草明折贈  
夫君

地絕

地絕風塵表，居兼巖壑隣。山光能遲日，花意欲留春。  
懶性違車馬，遊情逐酒人。溪邊到漁艇，莫遣問吾津。

歌獨酌

茅屋受初暉，溪邊過雨微。薄泥登燕壘，新水亞魚磯。  
春熟桃花酒，雲生薜荔衣。山中歌獨酌，轉喜傲忘機。

門前

遲日靜無事門前坐看山谷聲分鳥細春意入林  
斑藥餌疎行寂苔紋久掩關花開湖上好買醉憶  
蘇灣

憶興西湖

楊柳綠如染江南春可憐坐看五渚雨想到六橋  
烟馬立還歌席鶯啼過酒船憑將杖頭興重卧百  
花前

夏興

科跣過三伏支離謝五交人間別巖壑竹隱古衡

茅和子鶴依戶將雛燕益巢鳴琴延晝醒雪散碧  
梧稍

大暑溪上即興走君來侍御蓮華主人問  
清涼

室虛不受暑門豁正迎湖散帙先分竹張琴響據  
梧微芳吹齒齒鮮饌淨彫胡別有蓮華果霜臺似  
此無

題竹

結室琅玕下生平託此君冰霜如一日早晚厲孤

雲性得貞同隱標還傲不羣時乘好風月清響一  
相聞

秋遣問李寅中

居廬不面數年矣

叢桂枝秋發山中好在無空廬閉華黍故榻冷菰  
蘆老莫悲鳥鳥生堪傲白駒庭趨一經業相望兩  
迂儒

朝霽有興

微雨乍能霽涼風朝欲深曙光浮海白秋色薄溪  
陰野服從閒步川觀可印心翠天一空宇托興獨

絃琴

南湖秋月滿

南湖秋月滿，俯仰見流光。  
萬象空秋水，羣山霽早霜。  
生羞伴妻子，老好縱行藏。  
天上聞曾到，乘槎問女郎。

何物

當戶桐花白，涼分高枕情。  
人間欣少暑，地僻晏無營。  
巨昧炊晨熟，蒿陽饌水清。  
不知方餌外，何物更爲生。

丁未 計二十三首

晦日忽大雪遙寄南湖遊者

晦日尋芳去深江急雪過融風吹絮早點樹落梅  
多意故遲香殺光能淨綺羅未愁歸騎黑明月湍  
巖阿

春興漫成

天候關人氣東風引興來鳥啼眠早起花發戶頻  
開春醉非因酒閒歌更上臺行休隨萬物一壑有  
蓬萊



丁未中春日正午羣鶴百十摩空飛鳴  
盤旋翱翔溪上籬馴鶴三六仰咲和之踰  
時東逝問居老人自未有也為詩紀之

仙珮玉鐙鐙聯翩謁正陽調音成廣奏羅舞秩今  
行來命九皋侶歸看三島長洛笙如有意將遲羽  
衣翔

### 客過

有客期過舍呼兒晨候船溪花迎路入春水到門  
前采蕨聊供飯賒魚不用錢忘形舊披豁儘醉入

林眠

沈爾侯仲禎二難從允兆過訪二首

霜扉開日晏江艇動寒波  
穉子呼翁起高朋領客  
過雞黍村饌簡鼠跡案書多  
別契風雲託清襟照  
綠蘿

青蓮存朽物攀桂得知拙  
性狂空老虛名隱負  
時青雲憐二雋丹藥候三芝  
門外前谿在將軍憶  
舊詞

贈佛生上人從錢唐慈雲歸金山

揚子秋濤外錢唐海市中法流津岬近禪性往來  
同移錫原無著休餐總是空歸來聊止觀月落大  
江風

上人稱道釋辟穀二年

李用甫山人數過玄栖有贈

屏跡辭交友忘機得野人談文狂自喜中聖傲能  
真物外玄芝古山中隱桂貧飄飄五嶽意將與一  
瓢隣

玄栖夏興

白幘從江岬緇衣復野船無年堪慢世結夏得遊

禪竹許游人飲池田熟客眠門籬頗踈放山鳥下  
聽絃

新遊南塘峴山橋攜酒送李寅中歸山

太守

陳志行公建石塘自壇盤山南接蘇隄  
夾樹楊柳非可樂也主于疏橋通水命  
曰通塘  
予有記

遲月南塘好浮杯繫客船暮川流倒景秋雨霽平  
烟古陌開新賞佳遊續往年何當小招意淹託桂  
枝前

八月十四好月半夜泛南湖還三首

看月宜秋水陵風信野船山光清宿雪湖勢白浮  
天群象輝相照孤征曠眇然銀河不可見何處逐  
張騫

謂將湖比月霄氣更清虛玉宇澄無滓金波蕩有  
餘杯霞流共激衣羽照還疎極目烟光際仙人倘  
駕魚

半夜舟中咏清川不見人林光輝露色秋月皓陽  
春水漾浮洲玉沙分細草銀行行雙鶴唳知傍小  
山隣

秋溪懷古明堂詩

萬里書聲早三江秋欲殘家貧為客久身老傍人  
難紅顏何似倦游衣苦寒關山霜夜月征鴈滿  
長安

長城夜月更泛下若先馳晉叔

霜落舟初白山懸月二更村燈映沙色城鼓入川  
聲細酌醒還早孤吟寐未成思君不盡興解纜更  
谿行

秋夜對月有興思允兆

衆鳥閉門夕孤牀卧壑雲燭光蟲就入霜信鶴相  
聞秋落江逾曠山空夜易分每來得佳句風月政  
思君

晨泛前谿

遠泛遲清旦秋川發曉涼雲山舒薄霧水日動初  
陽雞引村聲過霜迎天色光明霞如可擬矯首立  
孤航

又憶弟

滿眼籬邊菊驚心塞上鴻風高九關底淚落數杯

中庭月故照新成  
寒秋被空平生一兄弟無事久  
西東

從人寄問舍弟明客燕

黃金古臺沒駿馬更誰收  
有弟淹朱邸因君訪敝裘  
白眉名自壯青眼傍人羞  
款段山中物年來憶少游

秋霖得興

開窓領新霽旦旭揚江秋爽致  
滌茅宇曠觀豁遠遊  
風涼玄鳥逝露濕朱絲收  
萬物推元運悠悠何



所求

玉湖酒泛秋後頻頻

日涉有携酒扁舟在玉湖舟開不蕩槳酒盡更行  
酤山景夕多變蟲聲秋漸無時乘謝客屐信步得  
兒扶

贈董六遐周

伯念季弟

小陸靈華早新詩秀逸倫鳳毛元有種驥足別多  
神思入三湘鬼詞班六代人知稀千古意作者更  
誰陳

冒雨九日登峴山同門生王鰥如張文奎  
張有懷陶大倫諸子

濟勝狂猶好登高興豈慳酒邊籬下菊  
屐上雨中  
山寺徑寒林肅湖皋秋草斑折巾當落帽相與洛  
歌還

朱太復乙集卷之十一終

朱太復乙集

詩卷之十一

十八

全一

朱太復乙集卷之十二

五湖朱長春太復著

詩

七言律

丙申

計三十二首

元曰吳門諸公飲錢

椒花之盤栢葉漿水筵雲吹喧長塘故人置酒樂  
王正送客彈冠入帝鄉吳苑驪歌今折柳漢庭  
羽獵侍含香涉江蘭澤多芳草采采明朝寄莫忘

過延陵別駕王春懷夜載酒相送

吾里友人以儀

郎謫此

蘭陵美酒載輕舸追送行人城外濤雪樹華燈春  
寂寂朱絲翠管晚嘈嘈為郎衰病難攀檻別駕聲  
名有佩刀歎息明時多棄置相逢滿地誦離騷

登茅山

白鵲凌飛去不還空餘仙跡寄名山蒼厓丹井何  
年廢玉殿青松古日閒草色依依封洞口雞聲往  
往落雲間長生真訣無尋處欲上曾城不可攀

北固謁李憲副復吾公留酌走謝

向令舒以侍御

行部今謝里居

驄馬淮西惜別遙維舟江上對蕭條卜居久歎淹  
吟澤卧病仍羞老入朝白簡秋霜元自壯青尊夜  
雨故相招蹉跎憂國長沙淚撫劍談深燭更燒

省郎張惟勇充行河使者鑿治迦渠舟過

有贈

水齧桑浮淡海壚萬人疏鑿引初渠莫勞白馬君  
王駕可得玄夷使者書貢入權郎秋唱遠宮成軼

子夜潮徐蕭條魚鱉經過地盡說勤勞四載車

登太白樓寄龔大叅子勤

登樓不見酒人狂樓上茫茫客望長東海晴雲孤  
障外大河春樹萬家傍當時酣咏唯遺構訪古津  
途一繫航借問攜盃更誰在知君未減賀知章

初朝午門

鷄鳴馬上拂衣冠閤闔門開曉色闌三殿露深嚴  
衛靜五雲春護禁宮寒欣瞻日月天初近卧病江  
湖歲已殘猶有甘泉賦堪奏

君王何日御祠壇

上書為民辭朝

牛門遇中監問上疏朱郎云昨日

聖上費好心早下為民官當知

肯庭杖再追還三易草始

聖恩

昨日上書今日歸叩

閣辭

開意多違雷霆九

死回龍怒江海餘生反釣磯報

主敢忘拳檻在憂時未悔請纓非白頭寂寞空山

裏夜指辰星候紫微

別錢吏部國維沈虞部叔永

同來萬里赴彤闈  
今夕孤尊對布衣  
一疏狂違尚方借  
九歌悲送逐臣歸  
皇華渡海無消息  
國計和我有是非  
止輦請纓公等在  
太平好去採山薇

卧病輒由送樂之初先還

離夜開尊淚未休  
桑乾古渡水悠悠  
投湘萬里雙歸客  
伏枕中途一繫舟  
到日芟荷應早製  
清秋鱸膾擬相求  
同官同罪還同隱  
結伴青山賦遠遊

崇真觀同年孫翰林宗言出餞言別



青門綠柳白驢鳴  
野院蕭蕭客送行  
已覺江湖萬里遠  
那堪尊酒暫時情  
窮邊兵甲銷何日  
垂老漁樵付此生  
分手停鞭各揮淚  
古來遷逐一浮萍

儀部蔡釋舍同逐同泊潞河見辱在病關  
于還往託詩報意

同病逋臣同滯留  
閉門白日卧牀頭  
九章有賦應難和  
七發無緣祇益愁  
直擬西風開畫艇  
相攜南國隱滄洲  
蔡經家在天台下  
采藥遊仙許更投

寄馬函一

與子同官北海親如今逐客寄相鄰竹林輒喜成  
來住薪菜何勞累主人熱甚閉門巾櫛嬾病多倚  
枕嘯歌頻秋風倘有南江興攜手扁舟下采蓴

將發荅崔傳甫沈叔永二曹郎

天邊秋草一茅籬風雨交河獨卧時隣舍每過勞  
貰酒故人憶到寄題詩囊空官罷兒童散家遠身  
羸舟楫遲老矣漂流任生事藥爐猶在不須悲

出門題屋

秋風昨夜催人歸白露晨朝理故衣客居忽忽藥

餌過鄰舍蕭蕭梧葉稀去國休歌老驥伏到家  
正好鱸魚肥百年浪迹偶然耳出門回首何依依  
丙申上書被放疾病維舟淹托此中伏枕兩月  
新秋離藥始得理裝星火既西庭草以衰出門  
顧望情動江湖興感所寄捉筆成吟留之堂壁  
用紀所歷七月廿九日也

南遷承居庸備兵使君陳敬甫同年書問  
報謝

雲霄猶憶共鳴珂兵甲間關使者過宦達摠戎行

自壯竄流同輩已無多  
狂言不效安邊策  
老病唯歸在碣歌三輔  
長城要害地

君王昨政問廉頗

南還舟行

是日聞東報朝鮮已圍

越客南還賦楚辭  
河干搖落故遲遲  
真傳滄海烟塵候  
正是江湖舟楫時  
塞上誰堪屯細柳  
山中老願保餐芝  
太行秋色行行遠  
落日長安有所思

詠河干楊柳

河畔西風楊柳斜  
未經搖落已堪嗟  
似傳塞北笛

中汨可憶江南曲裏花幾處馬嘶離日暮中宵帆  
葉望天涯年年送客長安道若為移栽處士家

張灣發舟二首

片帆颯颯別離津短布蕭蕭去國人眼斷雲霄  
雙鳳關身歸江海一漁綸狂夫多病宜芝草拙婦  
長貧樂綦巾浩蕩生涯休涕泗山中自古有遺民  
其一

長安世事一浮雲去去山中更不聞邊徼烽屯秋  
閣閣狹邪歌舞夜紛紛無成抗疏猶憂世欲續離  
未太復已集來詩卷之士一

騷恥怨

君臨黷提攜舊囊劍匣中耿耿動龍文

夜經天津

掛帆乘月下天津衰柳蕭蕭悽殺人  
海市樓臺依野戍暮潮舟楫動邊塵  
孤城近斗瞻秦關八月浮槎憶漢臣  
消息三韓又征戰長風東望忽沾巾

過張秋病舟中贈黃使君并致華亭陸伯生

津亭山色憶忘宿草萊楊後紫舟楫事久如

昨日遷人偏泊已窮秋身淹衾枕成千里老癯烟  
霞託一丘憑問華亭買白鶴吹笙同過洛川頭

泊南池吊杜甫

孤舟北下歎飄蓬繫纜南城吊杜翁敢擬千秋詞  
客共可憐一疏逐臣同亭池遊跡荒秋水江漢招  
魂邇古風往日哀時泪未盡留予搖落泣途窮

漂母祠夕望

漂母祠前秋水痕八公山外野雲屯漁家擁樹依  
淮口蜃關隨潮落海門南國窮秋堪涕淚北方落

日未招魂素琴白褐江湖裏一曲橈歌對酒尊

日日

狂歌日日對清川挂席蕭蕭秋興前向夕津人傳  
戍鼓回風估客泊胡船生憎鳥雀逢時忌性愛鳬  
鷗伴獨眠欲寄長安冠蓋客扁舟江海是遊仙

夜宿

隋堤楊柳白霜枯揚子橋邊繫艇孤弟妹存亡悲  
夜月朝廷消息望江湖老來愛道猶詩句隱去  
逃名只酒壚旅泊生涯隨處是飄飄天地一狂夫



放帆秦郢先寄舍弟明便與允兆晉叔諸  
君子

行近江關遊子思竹西潮落卧題詩放流歸去狂  
還好懶惰從來隱已遲謝客山林懷四友田家荆  
樹喜連枝放帆一寄南征興好與羊何共和之

九日泊揚子縣

九日登高竟無處孤舟倚泊向江斜挂冠正好風  
吹髮采菊從誰酒泛花南國霜寒催逐客東籬秋  
盡未歸家荒臺戲馬知何在詞客英雄事已賒

朱子集卷之二十一  
言元二二  
訓黃貞父見寄贈惻

大招遠寄惻平生餘命乾坤骨尚驚悟

主自慙無諫術還山終恨有狂名  
菰蘆舊築幽樓穩荷芰新裁野服輕  
日夜漁歌弄秋水故人来好濯長纓

岷山逸老堂酌茅薦鄉感慨說劉司空將

為續社之約

清惠公構堂集社百年未有續者垂此矣談屬薦解力任

營葺至今不入雍門淚茅之力也

逸老堂前過雨痕酒酣懷古共招魂  
青山誰續尚

書社白石空山左相尊結構千年欲相托風流異  
世可同論卜老好付吾為主江有芙蓉谿有蓀

章元禮見訪

不關同病涉江餘田野誰過問草廬棲託共謀逃  
世計淹留還說養生書懸知才子終前席未擬騷  
人老卜居暫向青山結來往秋風滿地是樵漁

叅藩張鳳梧使君駕訪隱居夜讌紀謝

山村從不見官旌騎從喧過鄰里驚蓬戶荒蕪疎  
灑掃蒿巾草野恕逢迎龍門豈敢攀元禮漁父終

然教屈平蒿目名賢當世意  
崔美相對欲沾纓

丁酉計十首

早春有興

我家湖曲興無窮  
春至烟生渚雪融  
進艇清溪看遠嶺  
張琴白石引初風  
提携杖屨從兒子  
酬酢杯觴有老翁  
俯仰乾坤行樂是  
浮沉人世總成空

對雪有客

對雪邀賓買野航  
看山登閣泛春觴  
牕飛寒色洞庭白  
席引流澌印渚長  
隱者林廬饒勝樂  
故交四

野縱清狂酒乾猶有衣堪典  
薜荔何須謝鵲鷄

早年溪上作

田家土鼓賽溪頭  
春入蒿籬興獨幽  
丹鼎候看林雪白  
素書開傍野雲浮  
烟霞有癖真長隱  
兒子開心礙遠遊  
客至辛盤成一醉  
物華相逕老何求

送潘姑翁謁選

慷慨臨行勸玉觴  
長卿風雅亦貲郎  
有才世悞荆山石  
垂老官趨漢署香  
紫禁擬將田起草  
金門遙憶獻長楊  
別離政值邊烽急  
相贈江湖淚兩行

小年閣上

雪岼梅花次第深郊居賓客寡相尋春風野舍無  
人事晴雪寒豁空道心青鏡每年催白髮丹砂何  
日化黃金物情眼底看生意水閣悠悠屢獨臨

萬壽節藩伯張使君入賀有贈

萬年枝映五雲高六服朝瞻九袞袍樂引南山開  
御仗使從東海獻仙桃雲霄此去留冠佩草萊無  
緣送羽旄朝退如逢問遺迭涉江曾不賦離騷

允兆晉叔翁晉過隱豁酌曠閣

鄉里風流數子賢一時齊紫水籬船已辭白雪慙  
同調獨悟丹砂未與傳葵蕨野蔬聊入饌山川佳  
色好當莼滄浪即是游方外結伴時來試采蓮

赴西湖

束書囊藥遠遊時稻白梧黃秋氣衰萬木哀蟬吟  
細細幾村歸燕去遲遲登山有屐從康樂招隱無  
人託左思借問南屏舊栖處淹留桂樹託相期

慰茅孝若下第歸

聞君金盞反菰蘆倚劍臨風泣老夫世難請纓空

弱冠時違抱璞竟窮途移書謀隱依雙杯結伴逃  
名放五湖不見滄浪歌滿地也應林壑有吾徒

懷弟

舍弟下第久在京師曾傳秋盡下舟  
近後聞客臨淮侯家邊塞信兼途路

送絕念  
之有作

壯士寧須恥殺裘無端流滯使人愁烽烟正是驚  
三鎮葦札休將傲五侯十月霜嚴悽邸舍三江水  
落遲歸舟茫茫行止渾難定欲寄家書何處投

戊戌

計五首

人日酌客



老夫投老一茅茨人曰田人夢酒卮山雪當門舟  
紫葭浦梅依檻鳥啼時田家風物無花勝野席冰  
盤有菜絲世事兵戈君莫問春江遊樂且相期

感遇

昨日花開今日飛春來春去掩荆扉乾坤託跡雙  
爐劍山水冥心一釣磯白首故人新釋褐滄洲隱  
者久初衣浮沉轉眼須臾事潦倒從欣世永違

薦鄉君采過玄栖遺謝

物外玄關靜不開臨溪竹徑沒蒼苔也無問水漁

人入時有看山好客來禁酒可容供茗椀拈花何  
意傍經臺淹留坐待松間月相送空湖引棹回

中元前一夕同李寅中南湖泛月

衆山餘靄接川烟廣渚薰葭映遠天秋至最宜明  
月夜客來同上泛湖船禪燈散落搖飛鏡漁唱參  
差雜采蓮借問江南行樂處滄波此地是遊仙

松陵口送茅水部薦鄉北赴

玄栖久卧山中石送別今開江外橈三署含香憐  
爾去八公芳草更誰招乾坤滿眼猶征戍老病開

心只藥歌好伏賢豪開濟力白雲丹鼎縱逍遙

已亥

計十首

送水部茅薦卿之舊京

仙郎春發下江舟昨卧文園鬢已秋紫闥浮雲休  
嘆滯白門山水自堪留解嘲不必裁玄草獻賦寧  
當擬遠遊何日青鸞問方朔為將書札報滄洲

再作送薦卿便寄給事允升

孤雲飛不到江干去住臨岐懷欲歎千里石城雙  
鳳關五湖春水一魚竿雲霄頗有朋知在丘壑從

來書字難憑寄西垣鄭給事白頭無意問金丹  
諸賢契南湖因過玄栖病中不見立謝

遙欣觴羽集羣賢肯向玄栖枉契船病裏蓬蒿常  
塞戶春來桃李未開筵儘教山水供酬對莫恠齋  
厨冷宿烟看竹自來休問主可攜餘酒醉花前

峴山對酒客有費老寅卿費四爾承孫甥  
孟張道士潘之白

蒹葭翠拂白波殘鶴子鳬雛戲晚端五月湖陰桑  
外靜三江秋色麥中寒披襟命酒欣相對濯足狂

歌樂自寬且喜忘機熟鷗鳥經行滿地識黃冠

延陵沈伯和孝廉見訪玄栖有贈

櫟樗朽物在山林魚鳥親人日會心已拚烟霞自成  
瘡何勞江海客相尋野筵玉鱸溪頭煮仙釀瓊漿  
松下斟蕭瑟舊來梁父曲搃將流水付知音

經遊朱君采橫塘蓮社山亭小飲

橫塘蓮花蘋葉秋主人政住橫塘頭澄溪眇眇既  
當戶青嶂踈踈復入樓美石一丘登自遠長林半  
郭坐偏幽偶來行散欣靈賞數酌悠然到十洲

秋日領子定赴長孺僧孺南屏隱居譚玄  
竹翠松涼度野烟水芝火棗供齋筵繫舟玄圃非  
人境揮麈黃庭少世緣布被連床依隱興班衣侍  
席解叅玄三茅四許君休論猶恐星占太史傳長孺  
期帖云父子兄弟坐談  
清昇不減三茅四許

孤山九日陪醒神羽師泛酒

五遊白首長生客九日黃花續命杯南國風雲雙  
劍合西湖煙雨對尊開逍遙已結吳山隱搖落何  
心楚澤哀但使眼中征戰息百年龍杖好相陪

歲暮登城山

其下先司訓墓

曾繼倚削似孤城積翠凝霜午不晴竹塢客來深  
犬吠香臺僧出定鐘鳴五湖白掛長天外二若青  
飛古嶂橫見說此中嘗避世擬依原草托吹笙  
故友朱彬吾忽枉玄栖酒間慨然之作

十年間別酒杯中對說平生氣尚雄避世我逃方  
士隱忘機君有古人風鷗毛欲白交情惜袒褐還  
丹世幻空西塞南湖相去近扁舟明月竟何窮

庚子

計十七首

卷六 後集 詩 三  
郡丞伍公問道枉臨溪上值夜出關迎呈  
謝之作

學道頻年屏跡居此中常與世人疎  
扁舟夜去淹雲水五馬朝臨關掃除  
洞戶春深還有藥府門天遠出無車  
桃花倘憶重來路為煮胡麻發素書

遷客朱侍御君采載酒同吳廣文見過玄  
栖陪泛碧湖對酒志興

緩帶招尋玄圃偏開尊攜泛碧湖前  
落花飛絮侵行席烟水春山引畫船  
隱吏高情依白社逐臣何



意問青天誰家日下滄浪曲故遲藏遊到酒邊

文學尤仲發從游問道有贈

青雲年少邀何期豈向空山訪鹿麋出世偶同招

隱士谷神敢說大宗師丹霞付酒聊相酌仲發每

取丹霞付酒杯愛其句因述作茶白雪烹爐好自怡莫湯人間遊

辟穀功成萬戶更為誰

贈賣藥老隱王八大

不向長安隱市傍逃名猶自嘆韓康餘錢沽酒留

佳客暇日攤書卧上皇丹訣老思還大藥仙方舊

說授長來何時挹取上池水來伴山中煮玉漿

薦卿招同開之元禮晉叔允兆君采諸公

泛西湖坐中談道有述

開之允兆俱有禪悅

畫舫漁歌啓水荃羽衣龍杖亦登船六橋湖曲留  
垂釣五月江南試采蓮微雨半含山嶺白餘霞添  
入酒杯娟共憐濯足三湘客不減含香大隱仙

西湖送新安方士潘生兩北遊

羽人醉別白公堤控鶴遙飛遼海西擬問青童三  
島駕可知丹竈五丁泥紫芝秀好山中采白岳靈

稱物外栖雨殺空歌遊欲倦不如歸閉武陵谿  
同生兩登葛嶺巾子峰

振衣高陟翠蘿斜葛嶺橫天下望賒東海島烟晴  
結雨大江濤色暮飛霞陵雲欲上緱山鶴出世無  
求勾漏砂眼底茫茫身是客乾坤何必問吾家

德星世寵代作贈新封語溪公

同住包山湖水傍曾聞太史占星光金貂令族餘  
三葉玉樹中庭復幾行菰菜老從漁長傲桃花新  
帶令君香洞天更有神仙錄佇看青雲戲綵長

自註 遊寄錢唐三月矣

何事携瓢復出關  
寒芳江上政秋閒  
紫芝避世長生草  
叢桂幽人小隱山  
五嶽豈須婚嫁後  
三閭已忘醉醒間  
那當採藥天台去  
一候桃花竟不還

九日釣魚山二首

戲馬臺頭朝客譙  
釣魚山口野人醪  
風流文采不相及  
詩酒烟霞各自豪  
已托囊萸仙客佩  
無心餐菊楚臣騷  
嘯歌坐對南湖日  
白鶴飄飄下九臯  
一獨往登高倚釣磯  
舊來采菊幾人稀  
生涯且對青

真是世事從看白髮非木落湖南梁稻熟霜空江北鴈鴻非上書小弟長安道裏數年年秋不歸二

送錢用甫廬江太守

憶昨廬江趨府在故城風土尚依然因君綰綬二千石為問栽花十五年寧子彈藥存舊俗文翁講席倚先賢翩翩坐嘯神仙吏鴻寶淮南術好傳

訪章元禮梅山中

桂樹山中好在無寧棠行訪入菰蘆一官未召長沙傳三徑新開范蠡湖結伴扁舟時釣澤留人斗

酒夜焚枯遠遊賦就憐同調何日相携五嶽圖

武穆祠

墓門松柏掛南枝灑淚前朝武穆祠城關江南竟  
何在烟塵河北不堪思和我割據中興事報國長  
驅百戰時日落招魂山鬼嘯將軍猶自恨班師

訪延陵沈伯和孝廉有贈

季子祠傍高士居門依江水集樵漁扁舟有客來  
乘月酌醴呼兒坐煮魚燈下青尊豪說劔匣中黃  
石秘傳書咲談濟世英雄業今日東山好出廬

暮遊上方寺

白雲青嶂護香臺，暮倚禪扉野色開。  
林屋仙家雙鶴去，石湖漁渚片帆來。  
潮邊蓮葉三江遠，風外蘆絲千里迴。  
已買扁舟學張翰，洞庭秋橘故相催。

湖心喜清閣新成

廣水空洲渺欲盈，中天雄閣秀初成。  
潮生日月窓間湧，雲落江山檻外平。  
神女臨臯時解佩，仙人乘月夜吹笙。  
玉樓何處還勝此，坐覺飄飄上赤城。

朱太復乙集卷之十